

LECTIO  
R E V E R E N D I .  
E T  
DOCTISSIMI VIRI  
D. ISAACI BARROW  
B E A T Æ  
M E M O R I Æ.

---

In qua  
Theoremata Archimedis de Sphæra &  
Cylindro, per methodum Indivisi-  
bilium investigata, ac breviter de-  
monstrata exhibentur.

---




L O N D I N I ,

Typis J. Redmayne: Prostant autem apud  
J. Williams ad Insigne Coronæ in Cœmete-  
rio D. Pauli, & J. Dunmore ad Insigne Tri-  
um Biblicorum in vico vulgò vocato Ludgate-  
street, MDCLXXVIII.

Typographus Lectori Benevolo.


**C**UM in manus nostras Lectio quaedam peregrina Reverendi Authoris D. H. Barrow felicis memoriae, circa Theoremata Archimedis in libris de Sphaera & Cylindro, nuper inciderit: e re esse putavimus ipsam Latinitate donatam (nam Anglico Idioma te scriptam reperimus,) in calce Operis subnectere, tanquam supplementum quoddam eorum quae in Elementis desiderantur. Rem omnem tanto cum labore ab Archimede demonstratam, hic expedite & perspicue per methodum Indivisibilium confectam habes. Vale.







*In Libris Archimedis de Sphæra &  
Cylindro præcipuus Authoris scop-  
pus est resolutio horum quatuor  
Problematum.*

1.  Nvenire proportionem superfici-  
ciei Sphæræ ad Circulum ali-  
quem determinatum, vel inve-  
nire circulum æqualem superfi-  
ciei Sphæræ datæ.

2. Invenire proportionem superfici-  
ciei Sphæræ ad circulum aliquem de-  
terminatum, vel circulum invenire æqualem  
superfici-  
ciei Sphæræ datæ.

3. Invenire proportionem sphæræ ipsius (sive  
solidi contenti ejus) ad conum aut Cylindrum  
aliquem determinatum, vel conum aut cylin-  
dram invenire datæ sphæræ æqualem.

4. Invenire proportionem segmenti Sphæræ  
ad conum aut cylindrum aliquem determi-  
natum, vel conum aut cylindrum invenire dato  
segmento æqualem.

Hæcce quatuor Problemata Archimedes  
figillatim prosequitur, & Theoremata sternit  
eorum resolutioni immediate inservientia; sed  
nos eadem ad duo reducemus. Nam cum  
Hemisphærium sit segmentum Sphæræ, &  
methodus inveniendi relationes ejus quoad su-  
perficiem & solidum contentum, comprehen-  
datur in methodo generali investigandi rela-  
tiones segmentorum, atque ex superficie & so-  
lido contento Hemisphærii inventis, eorum  
dupla (hoc est superficies & contentum toti-

us Sphæra) simul dentur: superfluum est & à veræ methodi legibus alienum, relationes eorum distinctè & seorsim indagare; adeo ut Archimedes ipsum ea de causa, si fas esset, redarguere possem.

Res omnis itaque ad hæc duo Problemata reducitur.


1. Invenire proportionem superficiei segmenti cujusvis Sphærici ad circulum aliquem determinatum, vel circulum invenire superficiei segmenti dati æqualem.

2. Invenire proportionem soliditatis segmenti cujusvis Sphærici ad conum aliquem vel cylindrum datum, aut conum vel cylindrum invenire assignato Sphærico segmento æqualem.

Hæc duo Problemata methodo alia facilliori & breviori resolvam: in qua, inverso ordine, primo quæram soliditatem segmenti, & inde deducam superficiem ejus. Id quod meo judicio observatu dignum est, & quantum scio à nemine præstitum.

Imprimis itaque ad inventionem soliditatis segmenti duas præsternam suppositiones vulgariter notas & receptas: nempe

1. Quod series magnitudinum in Arithmetica progressionem à nihilo (inclusivè) pergentium, sive quarum excessus æquatur minima magnitudinum, subdupla sit totidem quantitatum maxima æqualium, hoc est subdupla facti ex maximo termino & multitudine terminorum. Adeo ut si summa terminorum dicatur Z, maximus terminus D, & multitudo terminorum N; erit  $Z = \frac{ND}{2}$ ; sive  $2Z = ND$ .








$\begin{array}{|c|c|c|c|c|} \hline 0 & A & 2A & 3A & 4A \\ \hline 4A & 3A & 2A & A & 0 \\ \hline \end{array}$ 
 Hujus Propositionis veritas facile pate-


bit exponendo seriem bis, sed ordine in verso. Sic enim, differentiâ terminorum semper minimum æquante, constabit singulos binos correspondentes terminos in eadem columna simul sumptos, æquales esse maximo termino, adeoque seriem bis sumptam æqualem esse maximo termino tot vicibus repetito quot sunt termini, hoc est maximo termino ducto in numerum terminorum.

Exemplum hujus utilissimæ suppositionis manifestissimum & facillimum habemus in Triangulo quod hinc probatur dimidium parallelogrammi eandem habentis altitudinem, & eidem basi insistentis. Ponamus enim trianguli AEZ altitudinem AE in partes æquales & indefinite multas parvasq; AB, BC, CD, DE divisam esse, quodque per puncta divisionum parallelæ BZ, CZ, DZ, EZ ducantur: Hæ omnes a nibilo in Arithmetica progressionem pergunt, & proinde summa omnium, hoc est triangulum AEZ est subdupla maximæ EZ ductæ in altitudinem AE quâ summa terminorum exponitur, hoc est subdupla parallelogrammi EY, cujus basis est EZ & altitudo AE.



Sed ad propositum magis conducet illustratio Regulæ, inferendo hinc, circulum æqualem esse dimidio radii ducti in peripheriam, hoc modo. Concipe circulum ex peripheriis totidem


totidem concentricis constare quot sunt in Radio puncta vel æquales partes indefinitè multæ & parvæ. Hæ peripheriæ perinde ac earum radii, à centro seu nihilo in Arithmetica progressionè pergent, & propterea summa earum, hoc est torus circulus æquatur dimidio maximæ (sive extremæ peripheriæ) ductæ in numerum terminorum, id est in radium. Ad



eundem modum supponere possumus sectorè AEZ ex totidem arcibus concentricis BZ CZ DZ EZ constare quot sunt puncta (sive partes æquales &

indefinitè parvæ) in radio AE: quibus arcibus perinde ac radii eorum à puncto sive nihilo in Arithmetica progressionè pergentibus, Sector etiam æqualis erit dimidio radii ducti in extremum arcum EZ. Id quod & hoc modo constare potest. Ponamus rectam EY radio AE perpendicularem esse, & arcui EZ æqualem. Et agatur recta AY, ut & ipsi EY parallelæ & ad AY terminatæ rectæ BY, CY, DY, punctis B, C, D ubi radius in partes dividitur insistentes. Quoniam EY, DY (:: radius AE. rad. AD) :: arcus EZ. arc. DZ, & EY æquatur EZ, erit DY = arc. DZ; & similiter erit CY = CZ, & BY = BZ. Unde triangulum AEY æquabitur sectori AEZ, hoc est  $\frac{AE \times EY}{2}$  ( $\frac{AE \times EZ}{2}$ )

= sectori AEZ. Hoc igitur pacto insigne illud Archimedis Theorema collegimus, *Quod Circulus*





*Circulus aequatur triangulo cujus basis sit aequalis radio & altitudo aequalis peripheria circuli; idque sine omni figurarum inscriptione vel circumscriptione supponendo tantum aream aut superficiem circuli ex infinite multis concentricis peripheriis constare. Quae quidem Indivisibilium methodus (mihi jamprimum cognita) non minus evidens (vel potius evidentior) videtur, & fortè minus fallax est, quàm illa qua supponuntur plana constare ex parallelis rectis & solida ex parallelis planis; sicut posthac patebit ubi proportionales sphaericalium & Cylindricalium superficierum inter se, à cognitis contentis solidis, & vicissim contenta solida à cognitis superficiebus, facilitate mirabili, & plenissimo cum iis quae per puram Geometriam rigide colliguntur concentu, ex hac methodo collegerim.*

2. *Supponamus seriem esse quantitatum à nihilo (inclusivè) pergentium in proportionem Arithmetica duplicata, hoc est ut 0. 1. 4. 9. 16. &c. quadrata nempe numerorum in simplici progressionem Arithmetica 0. 1. 2. 3. 4. &c. Et hujus seriei triplum semper superabit maximum terminum multiplicatum per numerum terminorum; sed numero terminorum crescente proportio ad aequalitatem perpetim verget, donec tandem ad aequalitatem deveniat, cum numerus terminorum ad infinitum augetur.*

$$\begin{array}{r} 3 \times 0 + 1 = 3. \quad \frac{3}{2} \\ 2 \times 1 = 2. \end{array}$$

$$\begin{array}{r} 3 \times 0 + 1 + 4 = 15. \quad \frac{15}{4} = \frac{5}{4} \\ 3 \times 4 = 12. \quad \frac{12}{4} \end{array}$$

$$\begin{array}{r} 3 \times 0 + 1 + 4 + 9 = 42. \quad \frac{42}{6} = \frac{7}{6} \\ 4 \times 9 = 36. \quad \frac{36}{6} \end{array}$$

$$\begin{array}{r} 3 \times 0 + 1 + 4 + 9 + 16 = 90. \quad \frac{90}{8} = \frac{9}{8} \\ 5 \times 16 = 80. \quad \frac{80}{8} \end{array}$$

$$\begin{array}{r} 3 \times 0 + 1 + 4 + 9 + 16 + 25 = 165. \quad \frac{165}{10} = \frac{11}{10} \\ 6 \times 25 = 125. \quad \frac{125}{10} \end{array}$$


Exempli gratia, si duo sint termini, triplum terminorum erit ad maximum terminum du-  
 ctum in numerum terminorum, ut 3 ad 2; si tres  
 sint termini, ut 5 ad 4; si quatuor, ut 7 ad 6;  
 si quinque, ut 9 ad 8; & sic perpetuo: ita ut  
 harum proportionum antecedentia se mutuo  
 semper superent numero binario & antecedens  
 unumquodque suum consequens unitate. Unde  
 constat quod quo major sit numerus termino-  
 rum, eo magis proportio ad æqualitatem ac-  
 cedit. Sic 100 ad 99 minus differt ab æquali-  
 tatis proportionem quam 10 ad 9. Unde po-  
 nendo numerum terminorum infinitum esse  
 (sive infinite magnum,) triplum quantita-  
 tum sic pergentium in proportionem duplicatam  
 (vel ut quadrata numerorum 0. 1. 2. 3. 4. &c.)  
 eorundem quantitatum maximo termino æquali-  
 bus æquabitur.

Hoc













Hoc ipsum, si rem spectes, ab Archimede in libro de Spiralibus tanquam multarum argumentationum in isto aliisque ejus libris fundamentum sternitur, & à Walliso etiam nostro benè explicatur: nobis tamen visum est hac methodo rem declarasse & illustrasse, tanquam consideratu haud indigna, & in hoc maximè perspicua & intelligibili quòd sit fractionibus libera. Et obiter etiam notandum venit quod ex dato numero terminorum hinc facile invenire possumus proportionem triplæ seriei ad totidem terminos maximo æquales, viz. Ut duplus numerus terminorum uno dempto ad duplum numerum demptis duobus. Ut si numerus terminorum sit 6, proportio triplæ seriei ad totidem terminos maximo æqualis erit ut 11 ad 10.

Regulæ hujus facillima erit & aptissima illustratio, si inde inferamus Conum subtripulum esse Cylindri æqualem basem & altitudinem habentis. Supponamus enim Coni  $AZY$  altitudinem  $AB$  in æquales & indefinite multas partes à totidem rectis parallelis  $ZY$  divisam esse, & lineæ  $ZY$  erunt ut numeri 1. 2. 3. 4. &c. & quadrata vel circuli super diametris  $ZY$  constituta, ut 1. 4. 9. 16. &c. Et inde circuli isti omnes vel conus totus  $AZY$  (ex iisdem conflatus) subtriplus erit totidem circulorum maximo super diametro  $ZBY$  constituto æqualium; hoc est subtriplus Cylindri cujus basis est  $ZBY$  & altitudo  $AB$ .

Occur-



Occurrunt & alia duo Regulæ hujus ap-  
tissima exempla, viz. hinc inferendo comple-  
mentum Semiparabolæ subtripulum esse pa-  
rallelogrammi eandem basem & altitudinem  
habentis, nec non spatium à spirali & radio  
comprehensum subtripulum esse circuli in quo  
spiralis generatur. Sed hæc alterius sunt lo-  
ci. Quamobrem ut in incæptis pergamus,  
suppositis hisce duabus Regulis, concipiamus  
ZAY segmentum esse sphæræ, ejus centrum  
X, diametrum AT, & ZAYT magnum cir-  
culum





culum per verticem transientem, & axis partem AE in æquales & indefinitè multas partes divisam esse, & per puncta divisionum imaginemur parallela plana duci generantia circulos in sphæra, quorum radii sint BZ CZ DZ & diametri ZY. Suppono segmentum sphæræ ex omnibus istis circulis parallelis constare, quorum tantus est numerus ac punctorum, vel partium, æqualium & indefinitè multarum in axe AE juxta notam methodum indivisibilem.

Jam vero brevitatis causa diameter AT dicatur d, & sphæræ radius r si opus est, & axem AE quo numerus terminorum exponitur voca n & unam partium æqualium dic a. Quibus constitutis, ex Elementis patet esse  $BZq = AB \times BT = a \times d - a = ad - aa$ . Similiter  $CZq = AC \times CT = 2a \times d - 2a = 2ad - 4aa$ : Et eodem ratiocinio  $DZq = AD \times DT = 3ad - 9aa$ ; &  $EZq = AE \times ET = 4ad - 16aa$  &c. hoc est quadrata radiorum circularum ZY esse inter se ut rectangula ad. 2ad. 3ad. 4ad. &c. (quæ in Arithmetica progressionè à nihilo progrediuntur,) diminuta quadratis aa. 4aa. 9aa. 16aa. &c. (quæ progrediuntur ut quadrata numerorum 1. 2. 3. 4. &c.) Sed per primam nostram Regulam præmissam rectangula omnia o. ad. 2ad. 3ad. 4ad. &c. æquantur dimidio totidem terminorum maximo AE x AT seu nd æqualium, hoc est, dimidio maximi termini ducti in numerum terminorum, id est, ipsi  $\frac{nd \times n}{2}$

Insuper per secundam nostram Regulam quadrata omnia o. aa. 4aa. 9aa. 16aa. &c. simul sumpta æquantur trienti totidem terminorum maximo AEq seu  $\frac{nn \times n}{3}$  æqualium, hoc est ipsi  $\frac{nn \times n}{3}$

$\frac{nn \times n}{3}$ . Quare omnia quadrata super radiis

BZ, CZ, DZ, EZ descripta, conjunctim æquantur differentia  $\frac{ndn}{2} - \frac{nnn}{3}$ , vel, terminis

ad eandem denominationem reductis ;  
 $\frac{3ndn}{6} - \frac{2nnn}{6}$  : & eorum quadruplum, hoc est

quadrata omnia super diametris ZY descripta, æquantur  $\frac{12ndn}{6} - \frac{8nnn}{6}$  sive  $\frac{6ndn}{3} - \frac{4nnn}{3}$ .

Unde segmentum sphaeræ æquale est Cylindro cujus basis diameter est latus quadrati æquantis  $6nd - 4nn$ , & altitudo est  $\frac{n}{3}$ ; vel

Cono eandem basem, altitudinem vero  $n$  habenti, seu quod perinde est, basem habenti cujus radius est  $\sqrt{\frac{6nd - 4nn}{4}}$  vel  $\sqrt{\frac{3}{2}nd - nn}$ ,

& altitudinem  $n$  ut ante. Quem Conum in Conum super eadem basi ZY cum segmento ZAY, transmutare possumus, dicendo, ut ZBq (id est  $dn - nn$ ) ad  $\frac{1}{2}nd - nn$ , vel (terminis utrisque per  $n$  divis, ) ut  $d - n$  ad  $\frac{1}{2}d - n$ , ita reciprocè  $n$  ad altitudinem Coni quæriti: Vel in figura faciendo ut TE ad TE + XA ita EA ad ES. Nam ES erit altitudo Coni ZSY segmentum sphaericum ZAY æquantis. Quod est insigne illud Archimedis Theorema, ab eo tam prolixè tantoque cum labore demonstratum.

Hinc si datum segmentum Hemisphaerium sit, adeoque  $n = \frac{1}{2}d$  vel  $r$ , tunc  $d$  vel  $2r$  altitudo erit coni qui basem habens æqualem basi hemisphaerii (seu maximo circulo in sphaera,) æquabitur Hemisphaerio. Et Conus cujus basis est dupla maximi circuli & altitu-

do







do ar, vel Cylindrus cujus basis est  $\frac{2}{3}$  maximi  
 circuli & altitudo ar, æquabitur toti Sphæræ.  
 Unde Sphæra tota est  $\frac{2}{3}$  Cylindri cujus basis  
 diameter est ar & altitudo etiam ar. Atque  
 hoc est præcipuum illud Archimedis Theore-  
 ma, nempe *Quod Sphæra sit subsesquialtera vel*  
 $\frac{2}{3}$  *Cylindri, cujus & altitudo & basis diameter*  
*æquatur diametro sphæræ.*


Præterea nequid omitramus quod in Au-  
 thore nostro ad rem facere videatur; Si sum-  
 mæ primò invenitæ & segmentum referenti  
 nempe  $\frac{6}{3}dn - \frac{4}{3}nn$  addamus summam

$$\frac{2}{3}ddn - \frac{6}{3}dn + \frac{4}{3}nn \quad (= \frac{4}{3}dn - \frac{4}{3}n \times \frac{3}{2}d - \frac{2}{3}n$$

$= \frac{2}{3} ZEq \times XE)$  Conum ZXY referen-  
 tem, istarum summarum aggregatum, quod  
 est  $\frac{2}{3}ddn$ , referet sectorem sphæricum ZXYA,  
 qui propterea æquatur Cylindro cujus basis  
 diameter est  $\sqrt{dn}$  & altitudo  $\frac{2}{3}d$ , vel Cono  
 cujus basis diameter est  $\sqrt{dn}$  & altitudo  $2d$ ,  
 vel etiam Cono cujus basis radius est  $\sqrt{dn}$   
 & altitudo  $\frac{1}{2}d = r$ , (existente scilicet reci-  
 procè  $4dn, dn :: ad. \frac{1}{2}d$ ,) hoc est Cono cujus  
 basis radius est linea AZ ducta à vertice ad  
 circumferentiam basis segmenti. (Nam  $AZq$   
 $= TA \times AE = dn$ ) & altitudo r. Atque  
 hoc est proximum Archimedis insigne Theore-  
 ma de soliditate sectoris sphærici, viz. *Quod*  
*Sector Sphæræ æquatur Cono cujus basis est cir-*  
*culus radio descriptus lineam à vertice ad cir-*  
*cumferentiam basis segmenti ductam æquantem,*  
*& cujus altitudo æquatur radio sphæræ.*

Sic itaque ni fallor ea quæ ad soliditatem  
 sphæræ & partium ejus spectant, satis cum  
 brevitate & perspicuitate confectimus. Ex  
 his jam deducemus resolutionem alterius Pro-  
 ble-

blematis quod de superficie segmenti Sphærici & inde totius Sphæaræ proposuimus. Ut hoc assequamur, sicut antea supposuimus circulum ex concentricis peripheriis constare, & sectorem circulearem planum ex arcubus concentricis, ( è quorum numero sunt maximus & minimus sive punctum recensendi: ) sic jam supponimus sphæras ex concentricis superficiebus sphæricis, est sphæricos sectores solidos ex similibus superficiebus concentricis ( verbi gratia sphæricum sectorem  $ZAE$  ex superficiebus  $BZ$ ,  $CZ$ ,  $DZ$ ,  $EZ$ . &c. ) constare.



Quæ quidem suppositio tam facilis & naturalis videtur ut meo quidem iudicio sufficiat proponere, neque ad assensum movendum deside-

retur ulterior explicatio.


2. Sphæricas hæc superficies supponimus esse in duplicata ratione radiorum sphærarum. Hæc est communis affectio superficieum omnium similium, & optimè videtur convenire superficiebus sphæricis, quippe quæ videntur maximè uniformes & similes. Potuit autem hæc suppositio eodem argumentationis genere facile convinci & stabiliri quo Sphæaræ probantur in *Elementis* esse in triplicata proportionem diametrorum radiorumve, vel etiam ut Corollarium Prop. 17. & 18. *Elem.* 12. subnecti potuit, ubi superficies similium Polyedrorum, in Sphæris tam superficies in duplicata quàm soliditates in triplicata ratione diametrorum sphæ-





Sphærarum habentibus, inscriptæ supponuntur.

Præmissis hisce, supponamus A E, radii  
vel latus Sphærici sectoris E A Z, divisum esse  
in æquales partes indefinitè multas & exiguas,  
ut & sectorem E A Z ex Sphæricis superficie-  
bus BZ, CZ, DZ, EZ constare, & manife-  
stum erit has omnes superficies in progressi-  
one esse ut quadrata radiorum, hoc est ut  
ABq. ACq. ADq. AEq. &c. vel ut quadrata  
numerorum 1. 2. 3. 4. &c. Unde per se-  
cundam nostram regulam præmissam, summa  
omnium harum superficierum, hoc est sector  
A E Z, triens erit totidem superficierum ma-  
ximæ E Z æqualium, id est triens maximæ  
E Z ductæ in r numerum terminorum. Unde  
sector æquatur Cyllindro cujus basis est  $\frac{1}{3}$   
maximæ seu extimæ superficiei sectoris & al-  
titudo r, vel Cono cujus basis æquatur super-  
ficiei sectoris & altitudo est r (quæ est ulti-  
ma libri primi :) sed modo probavimus se-  
ctorem æqualem esse Cono cujus altitudo est  
r & basis est circulus radio Y E à vertice  
segmenti E Y Z ad circumferentiam basis du-  
cto descriptus. Quare Conus cujus altitudo  
est r & basis æquatur superficiei sectoris, æqua-  
lis est Cono ejusdem altitudinis cujus basis  
est circulus radio Y E descriptus. Atque  
adeo sectoris superficies E Y Z æqualis est  
circulo radio Y E descripto. Quod certe ex  
iis omnibus quæ in libris Archimedis occur-  
runt præcipuum est Theorema, nec in tota  
Geometria præstantius reperitur: viz. *Quod  
superficies cujusvis sphærici segmenti æquatur  
circulo cujus radius est recta linea à vertice  
segmenti ad circumferentiam basis ejus ducta:*  
& inde, *Quod superficies Hemisphærii dupla sit  
basis, vel duobus maximis in sphæra circulis  
aqua-*




*æqualis.* In hoc enim casu, est  $YEq = AZq + AYq = 2AEq$ , adeoque circulus radio YE descriptus æquatur duobus circulis radio AE descriptis. Unde & superficies totius sphaeræ quadrupla est circuli eundem radium habentis cum sphaera, hoc est circuli in sphaera maximi, & æqualis circulo cujus radius est diameter sphaeræ. Et hinc consequitur *superficiem sphaeræ æqualem esse superficierum Cylindri ejusdem altitudinis & latitudinis.* Nam Cylindri istius superficies est quadrupla baseos, ut postea videbimus. Atque hæc sunt insignia illa & celeberrima Archimedis Theoremata. Quinimò hinc omnia consequantur quæ de superficierum sphaerarum & sphaericorum segmentorum scripsit. Adeo ut ex his paucis & facillimis suppositionibus ea omnia demonstraverim quæ in his libris de sphaera & Cylindro notæ alicujus esse videantur.

Adjiciam tantum quod postquam per methodum Archimedis (nam vix alia quævis, ut opinor, præter nostram ab inventa soliditate, excogitari potest) superficies segmentorum inventæ sunt æquales circuli radiis YE descriptis: hinc liquido consequetur superficies sphaerarum & inde sectorum similium esse in duplicata proportionem radiorum sphaerarum: atque




E  
 E  
 e  
 -  
 t  
 -  
 -  
 ,  
 -  
 r  
 -  
 is  
 ia  
 &  
 e-  
 s,  
 ll-  
 o-  
 E  
 fi-  
 fle  
 m:  
 uc



atque adeo à superficiebus sic inventis, contenta segmentorum & integrarum sphaerarum vicissim deduci possunt, idque luculenter & expedite in hunc modum. Quoniam in sectore  $E A Z$  superficies  $B Z$ ,  $C Z$ ,  $D Z$ ,  $E Z$  in progressionem sunt ut quadrata super  $A B$ ,  $A C$ ,  $A D$ ,  $A E$  descripta, hoc est ut 1. 4. 9. 16. &c. totus sector æquabitur trienti totidem superficierum maximæ  $E Z$  æqualium, vel  $\frac{1}{3} E Z \times r$ , hoc est Cylindro cujus basis est  $\frac{1}{3} E Z$  & altitudo  $r$ , vel Cono cujus basis est  $E Z$  & altitudo  $r$ . Sed  $E Z$  supponitur æqualis circulo cujus radius est  $Y E$ . Quare sector  $E A Z$  æquatur Cono cujus basis est circulus radio  $Y Z$  descriptus, & altitudo  $r$ : quod universale est Theorema Archimedeum de sectorum contentis. Unde si ex hoc Cono subducatur Conus  $Z A E$  verticem habens ad sphaeræ centrum  $A$  & basi segmenti  $E Y Z$  ex adverso insistent, habebis segmentum istud  $E Y Z$ . Ubi verò sector  $E Y Z$  Hemisphaerii est, nullus erit ejusmodi Conus subducendus, & propterea Cylindrus cujus basis est  $\frac{2}{3} E Z$  & altitudo  $r$ , vel Conus cujus basis est  $2 E Z$  & altitudo eadem  $r$ , æquabitur toti sphaeræ. Sed Hemisphaerii superficies  $E Z$  probatur æqualis duobus circulis in sphaera maximis: unde sphaera tota datur. Atque hoc primum est & præcipuum Archimedis Theorema de contento Sphaeræ: à quo facile deducitur sphaeram esse  $\frac{2}{3}$  Cylindri circumscripti, hoc est Cylindri cujus altitudo & baseos diameter sit æqualis diametro sphaeræ.

Authoris nostri (Archimedis) doctrina contra novam & celeberrimam methodum Indivisibilium facere videtur eamque subvertere, & à Tacqueto verbi gratia (Prop. 2.

lib. 2. Cylindr.) in hunc finem urgetur. Methodi enim istius usitatus processus dimensionem Conicæ superficiei (ut & sphericæ aliarumque curvarum) satis diversam ab ea quam Author noster aliique demonstrarunt, exhibet.



Infantiae gra-  
tia ponamus  
conum rectum  
ABCD, ejus  
axem AX, &  
basem BCD,  
& planum  $\Gamma\chi\delta$   
ad arbitrium  
ducatur paral-  
lelum basi  
BCD. Et cum

sit diam. B D. periph. B C D :: diam. C D.  
 periph. C x D, & sic ubique, erit (juxta me-  
 thodum Indivisibilem & per 12. V.) ut di-  
 ameter B D ad peripheriam B C D, ita tri-  
 angulum A B D ex parallelis istis diametris  
 constans, ad Conicam superficiem A B C D.  
 ex peripheriis istis constantem. Hoc est diam.  
 B D. periph. B C D :: A X x B D. A X x periph. B C D.

Unde  $\frac{AX \times \text{periph. } BCD}{2} \text{ aequabitur conicæ fu-}$

perficieit quod falsum est & modò demonstra-  
tis contrarium. Demonstravimus enim su-  
perficiem Conicam esse  $AB \times \text{periph. } BCD.$


Huic Objectioni respondendo dicimus methodum Indivisibilium alio modo procedere in speculatione perimetrorum & curvarum superficierum quam in speculatione planarum superficierum & solidorum contentorum, Supponit

.  
. .  
. .  
n .  
. .  
r .  
a .  
us  
m  
us  
&  
D,  
m  
l-  
afi  
m  
s.  
e-  
l-  
l-  
is  
D  
n.  
D.  
l-  
a-  
u-  
e-  
re  
u-  
u-  
p-  
nit

24



ponit equidem planarum figurarum areas ex parallelis rectis quodammodo constare & solidorum contenta ex parallelis planis, eorumque numerum per altitudinem figurarum exponi: sed nequaquam supponit perimetros planarum figurarum ex punctis, aut superficies solidorum ex lineis constare, quorum numerus per altitudinem figurarum exponi possit.




Verbi gratia, etsi triangulū ABD ex lineis ipsi BD parallelis constet quarum numerus per numerum punctorum in perpendicularo AX hoc est per longitudinem istius perpendiculari exponitur; tamen absurdissimū es-


set supponere lineam AB ex punctis constare quorum numerus per numerum punctorum in breviori linea AX exponi possit. Nam licet rectæ CE, per singulas ipsius AX partes infinite parvas ductæ, dividant AB in totidem partes infinite parvas, tamen hæ partes non sunt ejusdem denominationis seu quantitatis cum partibus ipsius AX sed ipsis paulo majores, adeo ut si partes ipsius AX pro punctis habeantur, partes ipsius AB non simul dicendæ erunt puncta sed punctis majores; & vice versa si partes ipsius AB dicantur puncta, partes ipsius AX habendæ sunt punctis minores, si ita loqui fas sit. Puncta enim de quibus agitur in methodo Indivisibilium non sunt absolute puncta sed partes indefinite

Parvæ, quæ nomen punctorum per affinitatem  
 usurpant. Cum igitur puncta non recipiant  
 majus & minus, nomen punctorum non simul  
 tribuendum erit partibus diversæ magnitudi-  
 nis; & proinde quamvis numerus majorum par-  
 tium ipsius  $AB$  exponi posset per numerum  
 minorum partium ipsius  $AX$ , tamen numerus  
 punctorum in  $AB$  per numerum punctorum  
 in  $AX$  (hoc est per numerum partium in  
 $AX$  æqualium partibus ipsius  $AB$  quæ puncta  
 dicuntur) nullo modo exponi potest. Linea  
 $AB$  tot habet puncta quot sunt in seipsa sola  
 vel alia linea sibi æquali, neque per aliam  
 quamvis mensuram determinari potest. Eodem  
 modo hæc methodus non supponit conicam su-  
 perficiem  $ABCD$  ex tot parallelis circumfer-  
 rentiis perpetim crescentibus à vertice  $A$  vel  
 decreascentibus à basi  $BD$ , constare, quot sunt  
 puncta in Axe  $AX$ , sed ex totidem potius sic  
 crescentibus vel decreascentibus circumferentiis  
 quot sunt puncta in latere  $AB$ . Nam in revo-  
 lutione lineæ  $AB$  circa axem  $AX$  (qua co-  
 nica superficies generatur) unumquodque pun-  
 ctum in linea  $AB$  circumferentiam producit  
 & per consequentiam plures circumferentiæ  
 producantur quam axis  $A$  continet puncta.  
 Quamobrem si methodum Indivisibilibus ad  
 superficies solidorum extendere velis & suppo-  
 nere superficies istas ex parallelis lineis con-  
 stare, has non per parallelas areas solidum con-  
 stituentes, hoc est non per altitudinem solidi are-  
 as istas numerare, sed per alias lineas condi-  
 tioni figuræ cujusque congruas computare debes.  
 Quæ quidem lineæ in figuris non irregulari-  
 bus




n  
r  
l  
-  
-  
n  
s  
n  
n  
a  
a  
a  
u  
n  
t-  
e-  
el  
at  
ic  
is  
o-  
-  
n-  
it  
e  
a.  
d  
o-  
n-  
l-  
e-  
i-  
s.  
i-  
UB






bus facile determinari solent. Verbi gratia, in æquilatera Pyramide  $ABCD$ , cujus axis est  $AX$ , posito quod lateralis superficies Pyramidis ex perimetris triangulorum basi  $BCD$  parallelorum constet, hæc neque per altitudinem  $AX$ , neque per latus  $AB$  computandæ erunt, (nam exitus priori modo deficeret à vera dimensione, posteriori superaret eam,) sed per lineam  $AE$  perpendiculariter ductam à vertice  $A$  ad basis latus  $BC$ ; cujus rei ratio est quod unumquodque Pyramidis latus planum, ut  $ABC$ , ex parallelis rectis constat computatis per



$AE$ . Ad eundem modum posito quod superficies Hemisphærii  $BA D$  ex peripheriis circulorum constet basi  $BCD$  parallelis, harum multitudo non computanda erit per axem  $AX$  sed per arcum quadrantalem  $AB$ , eo quod unumquodque punctum arcus  $AD$  in revolutione circumferentiam producit. Atque ita superficies quælibet sive plana sive curva quæ ex æquidistantibus rectis vel curvis lineis constare concipitur, computanda erit per lineam æquidistantes istas perpendiculariter secantem. Nam cum æquidistante

distantes istæ, in hac methodo Indivisibilium ; non ut lineæ latitudinis expertes absolute spectentur sed ut lineæ considerentur latitudinem infinite parvam habentes quæ eadem sit cum latitudine vel crassitie puncti æquidistantes istas in circumvolutione describentis, & cum eadem æquidistantes lineam ipsas perpendiculariter secantem in partes distribuunt latitudinem suam mensurantes, partes istæ pro ejusmodi punctis habendæ erunt, adeoque numerus æquidistantium vel summa latitudinum earum per numerum punctorum in ista secante, hoc est per longitudinem secantis æstimari debet, & non per lineam alterius cujusvis longitudinis, siquidem ea ex punctis pluribus vel paucioribus constabit.

Hinc itaque methodus Indivisibilium, in speculatione superficierum Solidorum non prorsus inutilis sed potius utilissima est, dummodo rectè intelligatur & legitime applicetur juxta Regulam jam præscriptam. Ejus enim beneficio, vel hæ superficies inveniri possunt, si modò data habeamus aut præsupposita commoda quibus ratiocinium innitatur. Instantiæ gratia possumus ejus ope superficiem Coni investigare argumentando in hunc modum.




Si Coni ABD superficies dividatur in circulorum innumeras peripherias exd. basi BCD parallelas, istarum peripheriarum latitudines omnes simul sumptæ conficiunt latus AB eandem perpen-





pendiculariter secans, adeoque tot erunt periphæriæ quot puncta in linea  $AB$ , hoc est numerus earum per numerum punctorum in  $AB$  sive per longitudinem ejus exponi potest. Quare si ad singula puncta ipsius  $AB$  erigantur perpendicularia periphæris æqualia, ex perpendicularibus istis conflabitur superficies æqualis superficiei Coni. Sed ista superficies triangulum erit cujus altitudo est  $AB$  & basis æqualis maxime periphæriæ  $BDC$ , atque adeo superficies coni exhibebit  $= \frac{1}{2} AB \times \text{periph. } BDC$ . Quæ quidem conclusio cum iis consentit quæ ab Archimede ponuntur ac demonstrantur.



Ad eundem modum si sumatur recta quævis  
 $ac$ ,

$\alpha \zeta$ , arcus quadrantali Hemisphærii AB æqua-  
 lis, & ad ejus puncta singula  $\mu$ , erigantur per-  
 pendicula  $\mu \nu$ , parallelorum circularum MOM  
 per arcus istius quadrantis correspondentia  
 puncta M transeuntium radiis MN æqualia,  
 quorum maximum sit  $\beta \xi$ , radio basis Hemi-  
 sphærii BX æquale: figura  $\alpha \beta \xi$  continebit  
 radios omnium circularum ex quorum periphe-  
 riis superficies hemisphærii constat. Et si ipsis  
 peripheriis MOM, BDB, æqualia erigan-  
 tur perpendicula  $\mu \omega$ ,  $\zeta \delta$ , conflabitur figura  
 $\alpha \beta \delta$  æqualis superficiei hemisphærii. Cujus  
 figuræ dimensionem si quo pacto poteris invenire,  
 ( ut in hoc casu aream figuræ  $\alpha \zeta \xi$  invenire con-  
 ceditur, ) inde facile deduces contentum seg-  
 menti sphærici, illi congruum quod per aliud  
 quodvis legitimum ratiocinium colligere lice-  
 bit. Quam quidem observationem in Geo-  
 metria non inutilem fore existimo.

F I N I S.



